

სედიო

საქართველოს პრეზიდენტის, შვეიცარიის კონფედერაციის, თუ გინდამთავრებული ჩემიანად იხსნებათ. ილია
№2, ივნისი, 2015

გამოცემა მომზადებულია სამოქალაქო განათლების პროგრამის „მომავლის თაობა“ ფარგლებში

„ერთად ვიბრუნოთ, ერთად მოვავგაროთ“



7 მაისს სამოქალაქო განათლების პროგრამა „მომავლის თაობის“ სამიზნე სკოლების მოსწავლეებისა და ჩოხატაურის ზრდასრულთა განათლების ცენტრში არსებული ახალგაზრდული კლუბის წევრების ერთობლივი აქცია „ერთად ვიბრუნოთ ერთად მოვავგაროთ“ ჩატარდა. აქციის ფარგლებში დაბა ჩოხატაურის ცენტრალური ადგილები დასუფთავდა საყოფაცხოვრებო ნარჩენებისაგან. ამავე ინიციატივის ფარგლებში გამოცხადდა გარემოს-

დაცვით თემაზე შექმნილი პლაკატების კონკურსი. ნამუშევრები განთავსდა ფეისბუქ გვერდზე და გამარჯვებული ნაშრომი გამოვლინდა მონაწილეების რაოდენობის მიხედვით. ეს მოსწავლეებია: ნანა მეგრელიშვილი, ნაგომრის საჯარო სკოლა; გიორგი დანელია, თხინვალის საჯარო სკოლა; „პროგრამა, „მომავლის თაობის“ მონაწილეები და ზრდასრულთა განათლების ცენტრის ახალგაზრდული კლუბის წევრები გავერთანდით და ერთად დავასუფთავებთ ჩვენს საყვარელ დამბის ცენტრალური ადგილები. ჩვენ ნელნელა ვსწავლობთ გუნდურად მუშაობას და სხვადასხვა ორგანიზაციებთან თანამშრომლობას, ვფიქრობთ ასე უფრო იოლად და ხარისხიანად მოგვარდება პრობლემები“- ნინო ჩხიკვაძე, ჩოხატაურის სამრევლო სკოლის მოსწავლე **სელი**

დაუნის სინდრომის მქონე ადამიანთა მსოფლიო დღეს პროგრამა „მომავლის თაობის“ სამიზნე სკოლები შეუერთდა



21 მარტს დაუნის სინდრომის მქონე ადამიანთა მსოფლიო დღე აღინიშნება. ეს თარიღი გაერთიანებული ერების ორგანიზაციის ეგიდით 2011 წლიდან დანესდა და მსოფლიოს უმრავლეს ქვეყანაში, მათ შორის საქართველოში, აღინიშნება. ამ დღეს გურიის რეგიონიდან სამოქალაქო განათლების პროგრამა-

„მომავლის თაობაში“ ჩართული სკოლებიც შეუერთდა და მონაწილე ფოტოგადაღებები. სურათები გააერთიანეს სოციალურ ქსელებში და ამ გზით მოახდინეს საზოგადოების ინფორმირება. ამის პარალელურად დაუნის სინდრომის მქონე თანასკოლელებს სიმბოლური საჩუქრები გადასცეს. **სელი**

საკლასო პროექტი „წყალი-სიცოცხლე“

ჩოხატაურის მუნიციპალიტეტის სოფელ გუთურის საჯარო სკოლის IX კლასის მოსწავლეებმა საკლასო პროექტი „წყალი-სიცოცხლე“ განახორციელეს. სოფელ გუთურში არ არის ცენტრალიზებული წყალსადენი და მოსახლეობა ინდივიდუალური ჭებოთ სარგებლობს. რამდენიმე წლის წინ ჩატარებული კვლევის საფუძველზე გამოიკვეთა, რომ ჭის წყალი სასმელად უვარგისია, თუმცა მოსახლეობა იძულებულია ის მაინც მოიხმაროს. მოსწავლეებმა თემში არსებული პრობლემებიდან სწორედ ეს საკითხი გამოიკვეთეს და გადაწყვიტეს საკლასო პროექტი ამ კუთხით განეხორციელებინათ. მოსწავლეებმა გამოაქვეყნეს ის სამთავრობო თუ საზოგადოებრივი ორგანიზაციები, ვისაც შეეძლო ამ კუთხით დახმარებისა თუ რეკომენ-



დაციის განევა, მოიძიეს ინფორმაცია წყლის სარგებლიანობასა და აუცილებლობაზე და 26 თებერვალს სოფელ გუთურის ტერიტორიული ორგანოს შენობაში მონაწილე შეხვედრა. შეხვედრას დაესწრო სოფელ გუთურის დეპუტატი ლაშა თოლორდია, ჩოხატაურის მუნიციპალიტეტის გამგებელი ირაკლი კუჭავა, სოფლის რწმუნებული გია პაიჭაძე, საზოგადოებრივი ჯანდაცვის ცენტრის დირექტორის მოადგილე ნატო ჯიბუტი, სურსათის უვნებლობის, ადამიანთა, მცენარეთა და ცხოველთა დაცვის სამსახურის უფროსი ლევან კეკელიძე, ექიმი ენდოკრინოლოგი იზო ცინცაძე და სოფლის მოსახლეობა. შეხვედრის დასაწყისში მოსწავლეებმა სტუმრებს გააცნეს პრობლემა და ის საფრთხეები, რასაც სასმელად უვარგისი წყალი მოსახლეობას უქმნის, წარმოადგინეს პრეზენტაციები წყლის სარგებლიანობასა და აუცილებლობაზე. შემდეგ კი კითხვებით გადავიდნენ მოწვეულ სტუმრებთან. ვინაიდან ამ ეტაპზე ცენტრალიზებული წყალსადენის მოწყობისთვის საჭირო სახსრებს ვერც მუნიციპალური ფონდი და ვერც სოფლის განვითარების პროგრამა ვერ განვადებდა, შექმნილი მდგომარეობის გამოსწორების მიზნით, ჩოხატაურის მუნიციპალიტეტის გამგებელმა ირაკლი კუჭავამ გამოთქვა მზადყოფნა, დააფინანსოს სკოლის ეზოში არსებული ჭის წყლის ბაქტერიოლოგიური შემოწმება და მისი ამრეცხვა-დეზინფექციის სამუშაოები. აღნიშნულ დაპირებას შედეგად მალე მოყვა და მოსწავლეების მიმართვის საფუძველზე ჩატარდა სკოლის ჭის წყლის ლაბორატორიული ანალიზი. ლაბორატორიულმა ანალიზმა აჩვენა, რომ არსებული ჭის წყალი სასმელად ვარგისია. მომდევნო ეტაპზე იგეგმება თემში რამდენიმე ჭის წყლის ლაბორატორიული ანალიზი. ასევე მოსწავლეები აპირებენ მოსახლეობის ინფორმირებას ჭების მოვლა-პატრონობისა და დეზინფექციის ნორმების შესახებ. **სელი**

რეკომენ-

დაპირებას შედეგად მალე მოყვა და მოსწავლეების მიმართვის საფუძველზე ჩატარდა სკოლის ჭის წყლის ლაბორატორიული ანალიზი. ლაბორატორიულმა ანალიზმა აჩვენა, რომ არსებული ჭის წყალი სასმელად ვარგისია. მომდევნო ეტაპზე იგეგმება თემში რამდენიმე ჭის წყლის ლაბორატორიული ანალიზი. ასევე მოსწავლეები აპირებენ მოსახლეობის ინფორმირებას ჭების მოვლა-პატრონობისა და დეზინფექციის ნორმების შესახებ. **სელი**

გადავარჩინოთ ქართული ფუტკარი



ლანჩხუთის მუნიციპალიტეტის სოფელ ხაჯალის საჯარო სკოლის X კლასის მოსწავლეებმა განახორციელეს საკლასო პროექტი სახელწოდებით „გადავარჩინოთ ქართული ფუტკარი და მეფუტკრობა“.

პროექტს წინ უძღოდა კვლევა ახალგაზრდებში პოპულარული და არაპოპულარული პროფესიების გამოსაყვანად. გამოიკითხა 120 მოსწავლე. კვლევის შედეგების მიხედვით, ახალგაზრდებისთვის ყველაზე პოპულარულ პროფესიებად დასახელდა ურნალისტიკა, იურისპრუდენცია და ფინანსები. გამოკითხულთაგან არც ერთ მათგანს არ დაუსახელებია პროფესიები სოფლის მეურნეობის დარგებიდან. პარალელურად ჩატარდა კვლევა სოფლად, სადაც მოსახლეობა (100 კომლი) გამოიკითხა სოფელში საჭირო პროფესიების შესახებ. გამოვლინდა პროფესიონალი მეფუტკრის, ვეტექიმის, აგრონომის, დურგალის დეფიციტური პროფესიები. მოსწავ-

ლანჩხუთის მუნიციპალიტეტის სოფელ ხაჯალის საჯარო სკოლის X კლასის მოსწავლეებმა განახორციელეს საკლასო პროექტი სახელწოდებით „გადავარჩინოთ ქართული ფუტკარი და მეფუტკრობა“.

ლებმა ერთ-ერთ მათგანზე, მეფუტკრობაზე შეაჩერეს ყურადღება და სოფლის მეურნეობის აღნიშნული დარგის შესახებ მასალების შეგროვება დაიწყო. მოსწავლეებს დაეხმარნენ სამოქალაქო განათლების პედაგოგი ხათუნა აფხაზავა და გეოგრაფიის მასწავლებელი აკაკი თავდგირიძე, რომელიც პროფესიონალი მეფუტკრეა.

10 თებერვალს მოეწყო შეხვედრა თემაზე „გადავარჩინოთ ქართული ფუტკარი“. შეხვედრას მეფუტკრე აკაკი თავდგირიძე გაუძღვა. მეფუტკრობის შესახებ მინილექციის შემდგომ მან წარმოადგინა მეფუტკრობის პროდუქტები: თაფლი, თაფლის არაყი, დინდგელი, ფიჭა, სანთელი და მათ შესახებ ამომწურავი ინფორმაცია მიანოდა შეხვედრის მონაწილეებს.

მოსწავლეებმა თავის მხრივ, წარმოადგინეს სოფლად ჩატარებული კვლევის შედეგები. მეფუტკრობის განვითარების ისტორიაზე ისაუბრეს მოსწავლეებმა: დიმიტრი აბაშიძემ, თეა აბაშიძემ, ზურაბ ნაკაშიძემ და დიანა მოისწრაფიშვილმა. შეხვედრი-

სას გამართა დისკუსია ფინანსურად მომგებიანი პროფესიების შესახებ.

დარბაზში მსხდომთაგან მეფუტკრობით დაინტერესებული მოსწავლევ გამოჩნდა. ბაჩუკი შიინიძე, ხაჯალის საჯარო სკოლის მოსწავლე: „სახლში გვყავს ფუტკარი. ჩვენი ოჯახის ძირითადი შემოსავალი მეფუტკრობიდანაა. ბაბუსა დიდი სიამოვნებით ვეხმარები მოვლა-პატრონობაში. ყველაზე მეტად თაფლის ხილვა მიყვარს. ვფიქრობ, მეფუტკრე გამოვალ.“

ლონისძიების ბოლოს აკაკი თავდგირიძე მეფუტკრობით დაინტერესებულ მოსწავლეებს საკუთარ მეურნეობაში საცდელ ჩვენებას შეპირდა. იგი მზადაა გამოცდილება გაუზიაროს ამ საქმიანობით დაინტერესებულ ყველა პირს. როგორც მან აღნიშნა, შეხვედრის მონაწილე ახალგაზრდების უმრავლესობა სოფლად უნდა დაემკვიდრდეს, ამიტომაც მათთვის განსაკუთრებით მნიშვნელოვანია, იცნობდნენ სოფლის მეურნეობის დარგებს. თუკი ისინი სკოლიდანვე ამბილებენ ცოდნას და გამოიმუშავენ საჭირო უნარებს, აღარ გაუჭირდებათ ფუტკრის მოვლა სახლის პირობებში. **ხელი**

№2
-
ი
3
6
ი
ს
ი
-
2
0
1
5

დღის დღისადმი მიძღვნილი ღონისძიება ჩოხატაურის სამრევლო სკოლაში

2015 წლის 4 მარტს ჩოხატაურის სამრევლო სკოლის X კლასის მოსწავლეებისა და სამოქალაქო განათლების პედაგოგის ორგანიზებით ჩატარდა დღის დღისადმი მიძღვნილი ღონისძიება. მონაწილეებმა მიიწვეული სტუმრების, მოსწავლეების, პედაგოგების, სასულიერო პირის, სკოლის დირექციის, დღის ცენტრის ორგანიზატორების წინაშე საინტერესო და გემოვნებიანი მხატვრული ნომრები წარადგინეს. ღონისძიებაში აქტიურად იყვნენ ჩართულნი დღის ცენტრის ბენეფიციარი მოსწავლეები. საღამოს წამყვანი დღის ცენტრ „სავანეს“ აღსაზრდელი ავთო ლომთათიძე იყო. X კლასის მოსწავლეებმა სკოლის დირექციისა და კერძო პირების დახმარებით განსაკუთრებული საჭიროების მქონე ბავშვთა დედებისათვის თაიგულები და საჩუქრები მოამზადეს. მოწვეულმა სტუმრებმა

დაათვალიერეს დღის ცენტრის აღსაზრდელების მიერ შესრულებული ნახატების გამოფენა თემაზე - „ჩემი თვლით დანახული დედა“. ღონისძიებას 150 - მდე ადამიანი დაესწრო.

საკლასო პროექტის მიზანი დღის ცენტრის აღსაზრდელთა საზოგადოებრივ აქტივობებში ჩართულობისა და მოტივაციის ამაღლება იყო. პროექტის დაგეგმვის და განხორციელების ყველა ეტაპში, როგორცაა: ღონისძიების სცენარის შედგენა, მოსწავლეების გაერცელება, საკონცერტო ნომრების მომზადება - დღის ცენტრის ბენეფიციარი მოსწავლეები აქტიურად იყვნენ ჩართულები. დღის ცენტრი „სავანე“ აერთიანებს ჩოხატაურის მუნიციპალიტეტის განსაკუთრებული საჭიროების მქონე 20 მოსწავლეს სოციალურად დაუცველი ოჯახებიდან. **ხელი**



ნიკოტინისგან თავისუფალი სოფელი



ვანზომლეთის საჯარო სკოლის ყველაზე საინტერესო იყო ყოფილი IX კლასის მოსწავლეებმა საკლასო პროექტი განახორციელეს სახელწოდებით „ნიკოტინისგან თავისუფალი სოფელი“. პროექტის მიზანი სოფლის მოსახლეობის, მათ შორის ახალგაზრდების ნიკოტინის მავნებლობის შესახებ ინფორმირება იყო. მოსწავლეებმა მოძიებულ მასალებზე დაყრდნობით მოამზადეს პრეზენტაციები, მოიწვიეს სკოლის მოსწავლეები, პედაგოგები, სოფლის მოსახლეობა, ექიმები. წარმართა საუბრები, საკითხის განხილვა-მსჯელობა. **ხელი**

მეორე მსოფლიო ომი და ჩემი სოფელი

თხინვალის საჯარო სკოლის X კლასის მოსწავლეებმა საკლასო პროექტი „მეორე მსოფლიო ომი და ჩემი სოფელი განახორციელეს“. მეორე მსოფლიო ომში სოფელ თხინვალიდან 144 კაცი გაიწვიეს ომში, აქედან 52 შინმოსვლელია. პროექტის მიზანი სწორედ ამ ადამიანთა ღვანდლისადმი პატივის მიცემა და მათ შესახებ მომავალი თაობის ინფორმირება იყო. X კლასის მოსწავლეებმა მოიძიეს სტატისტიკური მონაცემები აღნიშნული სოფლიდან

ომის მონაწილეთა შესახებ, ოჯახებში ვიზიტებისა და სოფლის უზუცესებთან გასაუბრების შედეგად შეაგროვეს შინმოსვლელთა ბიოგრაფიული ცნობები. დაასუფთავეს სოფლის ცენტრში შინმოსვლელთა მემორიალური დაფის მიმდებარე ტერიტორია.

მოსწავლეებმა ინტერნეტისა და სხვადასხვა ლიტერატურაზე დაყრდნობით შექმნეს ნაშრომები მეორე მსოფლიო ომზე, ქართველ გმირებზე, სოფლიდან წასულ ომის

მონაწილეებზე. მოამზადეს კედლის გაზეთი სახელწოდებით „სიცოცხლის ხე“ და ვიდეოკლიპი ომის თემაზე.


პროექტის ფარგლებში გაიმართა ღონისძიება „მეორე მსოფლიო ომი და ჩემი სოფელი“. შეხვედრაზე მოიწვიეს ომის მონაწილეთა შთამომავლები, პედაგოგები. მოსწავლეებმა წარმოადგინეს საკუთარი ნაშრომები, მოძიებული მასალები, კედლის გაზეთი, საგანგებოდ ამ დღისთვის მომზადებული ვიდეო

კლიპი. მონწილეთა სტუმრებმა გაიხსენეს მათი ოჯახებიდან წასული და დაღუპული მეზობლები. სოფელ თხინვალის მკვიდრის გერასიმე დონაძის ოჯახიდან ომში 6 მამაკაცი წასულა, აქედან 3 შინმოსვლელთა სიაშია. სწორედ მათმა შთამომავალმა, პატარა მომღერალმა, რამდენიმე სიმღერა მიუძღვნა მათ ხსოვნას.

მოსწავლეებმა პროექტის ფარგლებში შეგროვებული მასალები მოამზადეს ხელნაწერ ჟურნალად. **ხელი**

ჯანსაღი ცხოვრების წესის კვირეული ნაგომრის საჯარო სკოლაში

2015 წლის 23-27 თებერვალს სამოქალაქო განათლების პროგრამის - „მომავლის თაობა“ ფარგლებში ჩოხატაურის მუნიციპალიტეტის სოფელ ნაგომრის საჯარო სკოლის X კლასის მოსწავლეებმა საკლასო პროექტის ფარგლებში ჯანსაღი ცხოვრების წესის კვირეული ჩაატარეს. კვირეულის პირველი დღე მოსწავლეებმა საჭირო მასალების მოძიებასა და მოსწავლეთა გამოკითხვას დაუთმეს. გამოკითხვის მიზანი იყო მოსწავლეთა ინტერესებისა და საჭიროებების გამოვლენა ჯანსაღი ცხოვრების წესის



სის ირგვლივ. მეორე დღეს საინფორმაციო შეხვედრები მოაწყვეს უმცროსკლასელებთან ჯანსაღად

კვებისა და ჰიგიენის საკითხებზე. მესამე დღეს მოიწვიეს ექიმი. მან საინტერესო და აუცილებელი ინ-

ფორმაცია მიანდა მოსწავლეებს ჯანსაღი ცხოვრების წესის სხვადასხვა ასპექტებზე. შეგროვებული ინფორმაციის თავმოყრა მოსწავლეებმა კედლის გაზეთში მოახერხეს. ასევე სკოლის დერეფანში თავლასა ჩინო ადგილას მოაწყვეს მოძიებული მასალების მინი ბიბლიოთეკა. მეოთხე დღე უმცროსკლასელთა ნახატების გამოფენასა და სკოლაში მხიარულ სტარტებს დაეთმო. კვირეულის ბოლოს მოეწყო დასკვნითი კონფერენცია, სადაც მონაწილეებმა განუხილეს მუშაობის შედეგები შეფასეს. **ხელი**

საკლასო პროექტი შუა ამაღლების საჯარო სკოლაში

სამოქალაქო განათლების პროგრამის - „მომავლის თაობა“ ფარგლებში ჩოხატაურის მუნიციპალიტეტის სოფელ შუა ამაღლების საჯარო სკოლის IX კლასის მოსწავლეებმა საკლასო პროექტი „ჯანსაღი სხეულში ჯანსაღი სულია“ განახორციელეს. საზოგადოების დაბალი ინფორმირების, სოფელში არსებული მძიმე სოციალური ფონისა თუ უმუშევრობის მაღალი დონის გამო

მაცხოვრებელთა დიდი ნაწილი თმბაქოსა და ალკოჰოლის მომხმარებელია, არ მისდევენ ცხოვრების ჯანსაღ წესს. სწორედ ამიტომ შუა ამაღლების საჯარო სკოლის მოსწავლეებმა გადაწყვიტეს, პროექტი ჯანსაღი ცხოვრების წესის კუთხით მოემზადებინათ და მოსახლეობის ინფორმირება მოეხდინათ. პროექტის ფარგლებში 5 მარტს მოეწყო შეხვედრა, რომელსაც მოსწავლეები, მასწავ-

ლებები, სკოლის დირექციის, ადგილობრივი თემისა და სოფლის ამბულატორიის წარმომადგენლები დაესწრნენ. შეხვედრაზე მოსწავლეებმა წარმოადგინეს პრეზენტაციები თამბაქოს, ალკოჰოლისა და ფიზიკური ვარჯიშის შესახებ. ჯანმრთელობასთან და მკვნი ჩვევებთან დაკავშირებული რჩევები მისცა დამსწრე აუდიტორიას მონწილეთა ექიმმა. შეხვედრის მონაწილეებმა გამოთქვეს საკუთარი შეხედულებები და ისაუბრეს თემში ამ კუთხით არსებულ მდგომარეობაზე, მიზეზებზე. მოსწავლეებმა მოამზადეს და წარმოადგინეს ჯანსაღი ცხოვრების წესის თემაზე მომზადებული კედლის გაზეთი. საზოგადოების მეტი ინფორმირების მიზნით მოზარდებმა ადგილობრივ თემში, საზოგადოებრივი თავშეყრის ადგილებში საინფორმაციო ფურცლების გამოკვრა დაგეგმეს. **ხელი**



მოვარგოთ გურია ეტლით მოსარგებლებს

სამოქალაქო განათლების პროგრამის - „მომავლის თაობა“ ფარგლებში ნახატებისა და ფოტოების კონკურსი მოეწყო სახელწოდებით „მოვარგოთ გურია ეტლით მოსარგებლებს“. კონკურსის მიზანი გურის სინამდვილეში ეტლით მოსარგებელთა პრობლემების ასახვა იყო. აქციაში გურის მასშტაბით რვა სკოლის მოსწავლე ჩაერთო. მოსწავლეებმა მრავალფეროვანი ნამუშევრები წარმოადგინეს. სულ შემოვიდა სამოცდაათი ფოტოსურათი და ნახატი. გამოვლინდნენ გამარჯვებულები. საუკეთესო ნახატის ავტორი გახდა ლანჩხუთის მუნიციპალიტეტის სოფელ ხაჯალიის საჯარო სკოლის მოსწავლე გიორგი სურმანიძე, ხოლო საუკეთესო ფოტოს ავტორი - ჩოხატაურის ყოვლადწმიდა ღვთისმშობლის სახელობის სამრევლო სკოლის მოსწავლე ირაკლი კუტუბიძე. **ხელი**

№2
-
ი
3
6
ი
ს
ი
-
2
0
1
5

საგანმანათლებლო სესია ალექსანდრე ქართველის შესახებ



2015 წლის 5 მარტს გურიის ახალგაზრდულ რსუსრსცენტრში გაიმართა საგანმანათლებლო სესია ამერიკაში მოღვაწე ქართველი ავიატორის შესახებ. ალექსანდრე ქართველი (ქართველი ელიშვილი) ამერიკის შეერთებული შტატების სამხედრო ავიაციის ერთ-ერთი ფუძემდებელია. მის მიერ არის შექმნილი 15-მდე სამხედრო თვითმფრინავი, მათ შორის პირველი - ჭ-47, რომელიც ამერიკის ლეგენდად ითვლება. სწორედ ამ თვითმფრინავმა მოუტანა ამერიკის შეერთებულ შტატებს გამარჯვება მეორე მსოფლიო ომის

დროს. სამწუხაროდ, საქართველოში ჯერ კიდევ ცოტა ადამიანი იცნობს ალექსანდრე ქართველის დამსახურებას და ბიოგრაფიას. საგანმანათლებლო სესიებს, ამერიკაში მოღვაწე ქართველი ავიატორის შესახებ, ალექსანდრე ქართველიშვილის საერთაშორისო საზოგადოების დამფუძნებელი და პრეზიდენტი ქალბატონი ლელა ქართველიშვილი უძღვევობა.

მოსწავლეებისთვის სესიები ძალიან საინტერესო და ინფორმაციული აღმოჩნდა. მათ გაიცნეს კიდევ ერთი ცნობილი ქართველი ემიგრანტი, მინიხილეს მისი ბიოგრაფიიდან მნიშვნელოვანი ეპიზოდები და მათთვის საინტერესო კითხვებზე მიიღეს ამომწურავი პასუხები. სესიების დროს ასევე ნაჩვენები იყო დოკუმენტური ფილმი ალექსანდრე ქართველის მოღვაწეობის შესახებ.

ხელი

რა უნდა ვიცოდეთ ტრეფიკინგზე



ჯუმათის საჯარო სკოლის IX კლასის მოსწავლეებმა საკლასო პროექტი განახორციელეს თემაზე „რა უნდა ვიცოდეთ ტრეფიკინგის შესახებ“. პროექტის მიზანი ტრეფიკინგის პრევენცია იყო ადგილობრივ თემში. მიზნის მისაღწევად მოსწავლეებმა მოსახლეობის ცნობიერების დონის ამაღლება გადანიჭეს გამოძინარე იქედან, რომ ადამიანისათვის ინფორმაციის მიწოდება მას საშუალებას აძლევს წინასწარ გაიაზროს და თავიდან აიცილოს ტრეფიკინგის მხრიდან მისი გადაბირების, იძულების ან მოტყუების მცდელობა.

საკლასო პროექტის თემა შეირჩა სოფლად ჩატარებული გამოკითხვის შედეგად, რომლის მიხედვით მოსახლეობის გარკვეული რაოდენობა გაეძინება მეზობელ თურქეთსა და სხვა ქვეყნებში დასაქმების მიზნით. გამოკითხვულთაგან იყვნენ ტრეფიკინგის მსხვერპლები. მათი ისტორიები ერთმანეთს გავს - დასაქმების მსურველი დამსაქმებლისგან იღებს დაპირებას მაღალანაზრაურებად სამუშაოზე, ადგილზე ჩასვლას კი ართმევენ პასპორტს, ამუშავებენ იძულებით, ხოლო ანაზღაურებულ თანხას ართმევენ, თითქოსდა იქ ჩასვლის ხარჯების დასაფარად.

„ჩვენ შევხვდით და გამოვიკვირეთ ტრეფიკინგის მსხვერპლი ჩვენი თანასოფლელები. დაზარალებულმა პირებმა ჩვენი თხოვნით, გვიამბეს მათი ისტორიები. მათი მონათხრობი საფუძვლად დაედო ჩვენს შეხედულებებს ტრეფიკინგის შესახებ“ - აღნიშნა ჯუმათის საჯარო სკოლის მოსწავლემ ლიკა ავაკიანმა.

პროექტის ფარგლებში მოსწავლეებმა მოაწყვეს შეხვედრა სოფლის მოსახლეობასთან და წარადგინეს პრეზენტაციები მათ წინაშე ტრეფიკინგის შესახებ, პრევენციის გზებსა და მასთან დაკავშირებულ საკითხებზე. მოსწავლეებმა გაავრცელეს მოსახლეობაში ინფორმაცია იმის შესახებ, თუ რა უნდა გაითვალისწინოს ადამიანი, რათა არ გახდეს ტრეფიკინგის მსხვერპლი.

„ჩვენი კვლევის ყველაზე დიდ მიღწევად მიგვაჩნია ის, რომ მოსახლეობის უმრავლესობამ გაიგო, რომ ბრმად არ უნდა ენდონ უცხო ადამიანებს, არ უნდა მისცენ პირადობის დამადასტურებელი საბუთები სხვებს. პრობლემების შემთხვევებში კი უნდა დაუკავშირდნენ საელჩოებს“ - ნია სეფერეთლაძე, მოსწავლე.

ხელი

პირველი რადიოგადაცემა ხაჯალის საჯარო სკოლაში

1 მაისს მცირე გრანტის „ღია სივრცე“ ფარგლებში ლანჩხუთის მუნიციპალიტეტის სოფელ ხაჯალის საჯარო სკოლაში პირველი რადიოგადაცემა გავიდა. რადიოგადაცემის მოსამზადებელი მოსწავლეები და მასწავლებლები მთელი სკოლიდან იყვნენ მობილიზებული და ინტერესით ელოდნენ სახალის მათ სკოლაში. პირველი სოუჟეტი გაცნობითი ხასიათის იყო, მოსწავლეებმა ისაუბრეს მცირე გრანტის ფარგლებში მონაწილე რადიოკვანძის შესახებ, მსმენელებს გააცნეს რადიოს მუშაობის სპეციფიკა, პერიოდულობა, რუბრიკები, სარედაქციო კოლეგიის შემადგენლობა და მოუწოდეს, თვადაც ჩაერთონ რადიოს მუშაობაში და მიანდონ სარედაქციო კოლეგიას მათთვის საინტერესო თემატიკა. პირველი რადიოგადაცემის ერთი ნაწილი დაეთმო ინფორმაციის სკოლისა და სოფლის ისტორიის შესახებ. რადიოგადაცემას წინ უძღვოდა



ტრენინგი, რომელიც „ლანჩხუთი პლუს“-ის მთავარმა რედაქტორმა ქეთევან ნაკაშიძემ მოხალისეობრივად ჩაატარა და მოსწავლეებს ესაუბრა, თუ როგორ მოამზადონ ინფორმაცია რადიოსთვის. ხოლო რადიოგადაცემის თემატიკის გამოსავლენად, IX კლასის მოსწავლეებმა ჩაატარეს გამოკითხვა VII-XII კლასებში.

მცირე გრანტის ფარგლებში ხაჯალის საჯარო სკოლაში მოეწყო რადიოკვანძი. მოსწავლეებმა სასკოლო და სათემო გამოკითხვების გზით გამოავლინეს საკითხები და მოამზადეს რადიოგადაცემები.

ხელი

ონლაინ კონფერენცია

26 თებერვალს გაიმართა ონლაინ კონფერენცია სამოქალაქო განათლების თემაზე, რომლის სტუმრები იყვნენ USAID-ის საქართველოს ოფისის წარმომადგენლები: ქ-ნი მონიკა გორცელანსკა და ქ-ნი შამენა გალი. სტუმრებმა ისაუბრეს

მოხალისეობასა და სამოქალაქო მონაწილეობის როლზე. ონლაინ კონფერენციაში ჩაერთნენ პროგრამა „მომავლის თაობის“ სამიზნე სკოლების მოსწავლეები გურიიდან, დასვეს მათთვის საინტერესო კითხვები და მიიღეს პასუხები.

ხელი



USAID
FROM THE AMERICAN PEOPLE

PH international
ADVANCING SOCIETES. CONNECTING PEOPLE



საინფორმაციო ფურცელი მომზადებულია გურიის ახალგაზრდული რსუსრსცენტრის მიერ სამოქალაქო განათლების პროგრამის „მომავლის თაობა“ ფარგლებში, რომელიც ხორციელდება PH-International-ის მიერ აშშ საერთაშორისო განვითარების სააგენტოს (USAID) დაფინანსებით. იგი წარმოადგენს პროგრამის საანგარიშო გამოცემას. პუბლიკაციაში მოცემული ინფორმაციები არ წარმოადგენს ამერიკის შეერთებული შტატების მთავრობის ოფიციალურ ინფორმაციას და არ ასახავს აშშ საერთაშორისო განვითარების სააგენტოს ან აშშ მთავრობის მოსაზრებებსა და პოზიციებს.

გამოცემის ირგვლივ დამატებითი ინფორმაციის მიღებისა და ასევე თანამშრომლობის მსურველ მოზარდებსა და პედაგოგებს შეუძლიათ დაგვიკავშირდნენ:
გურიის ახალგაზრდული რსუსრსცენტრი - ოზურგაძეთი, რუსთაველის ქ. №4, II სართული
ტელ: 0496 27 41 26 / მობილური: 599 156384 / ელ-ფოსტა: GYRC.INFO@GMAIL.COM